



UNIVERSITÄTS-  
BIBLIOTHEK  
PADERBORN

# **Sacrarvm Antiquitatvm Monvmenta**

**Hillesheim, Ludwig**

**Antverpiæ, 1577**

Salomon.

---

[urn:nbn:de:hbz:466:1-68887](https://nbn-resolving.org/urn:nbn:de:hbz:466:1-68887)



*Si qua fuit magni sublimis gloria regni,  
Inferius nostro nomine, nomen habet.*

*Altus*

- Altus honos aliis vastato surgat ab orbe,  
 Unde ferant regni nomina magna sui.  
 Omnis at à summo surgit mea gloria celo,  
 Pacis, & ingenij nobilitata bonis.  
 Iure igitur magni signatur imagine Christi,  
 Huius enim verum rettulit illa typum.  
 Regia progenies Solymorum regna potentum  
 Sortior, & viuo scepra parente tuli. 3.Reg.16  
 Ut noua concessi firmata potentia regni est,  
 Cura fuit summum conciliare Deum. 3.Reg.3.  
 Ille mihi in somnis, quæ vis pete munera, dixit;  
 Irrita nec voti summa futura tui est.  
 Alme faue, dixi, genitor, promissaq; firma,  
 Mens mihi sit donis ingeniosa tuis.  
 Hæc plena dare dona manu, votumq; probare  
 Dixit, & optatis addere plura meis.  
 Inde fuit nostri maiestas inclyta regni,  
 Terrea qua vasto clauditur ora sinu.  
 Famaq; terrarum diuerso à littore gentes 3.Reg.10.  
 Traxit, ab Austrino femina vecta polo est.  
 Hæc animi, regniq; decus memorabile cernens,  
 Grandius audita comperit esse fide.  
 Templaq; & ingenti constructa palatia sumptu, 3.Reg.6.  
& sequent.  
 Atque operum molem dicere longa mora est.  
 Omnia contigerant, sed amor malè sanus adegit  
 Ingratum veri linquere iussa Dei.  
 Illa fuit nostræ series miseranda ruina: 3.Reg.11.  
 Exitij mulier caussa pudenda mei est.*

## D HELIAS.